

24 bazar Ramadan tanpa tunai

KUALA LUMPUR: Bank Simpanan Nasional (BSN) telah bekerjasama dengan Tech Hunter Global Sdn Bhd (PayHunter) untuk memperkenalkan DuitNow QR Soundbox BSN, terminal pembayaran digital yang memudahkan transaksi tanpa tunai kepada 24 vendor bazar Ramadan terpilih di Kuala Lumpur.

Inisiatif ini sejajar dengan Geran Digital PMKS Madani (GDPM) kerajaan, yang bertujuan untuk meningkatkan penyelesaian digital kepada perusahaan mikro, kecil dan sederhana (PKS), kata BSN serta PayHunter dalam satu kenyataan bersama.

"BSN dan PayHunter juga telah bekerjasama untuk menawarkan vendor bazar Ramadan baharu dan sedia ada peluang menjadi peniaga BSNeBiz, termasuk sebagai bonus, vendor akan menerima BSN DuitNow QR Soundbox secara percuma," tambahnya.

Ketua Pegawai Eksekutif BSN Jay Khairil Jeremy



PENGARAH Jabatan Perlesenan dan Pembangunan Perniagaan Dewan Bandaraya Kuala Lumpur Badrul Hisham Baharudin (empat, kanan) bersama Ketua Pegawai Eksekutif BSN Jay Khairil Jeremy (empat, kiri) dan Presiden Pertubuhan Pengurusan Pasar Malam Kuala Lumpur Gulam Muszaffar Mustakim (tiga, kanan) melakukan gimik pelancaran sempena Majlis Pelancaran Bazaar Ramadan Digital BSN 2024 di Bazar Ramadan Jalan Kuching Kuala Lumpur kelmarin. • Foto BERNAMA

berkata perkongsian itu menekankan komitmen tidak berbelah bahagi bank untuk meningkatkan produktiviti dan menggalakkan pengembangan perniagaan dalam kalangan PKS melalui transformasi digital.

"Pengenalan terminal Soundbox membolehkan vendor di bazar Ramadan berkembang maju dalam suasana yang lebih berdaya tahan

dan digital yang memacu persekitaran perniagaan.

"Sebagai institusi kewangan yang diberi mandat, BSN berdedikasi untuk memperkasakan PKS melalui geran digital PMKS Madani, memastikan kejayaan mereka selain menyumbang kepada pertumbuhan ekonomi inklusif," katanya.

Berdasarkan kepada versi asal, Dinamik QR Soundbox yang dinaik taraf oleh BSN dan PayHunter dijangka akan dilancarkan menjelang suku seterusnya, menawarkan ciri baharu yang mana, peniaga boleh memasukkan harga produk terus ke dalam peranti yang menghasilkan kod QR setiap kali.

Kemajuan ini menyelaraskan proses pembayaran, membolehkan pelanggan mengimbas kod

QR dengan mudah atau menggunakan kad bagi pembayaran tanpa kerumitan.

Sementara itu, Ketua Pegawai Eksekutif PayHunter Jenson Wong berkata syarikat itu telah mengambil inisiatif untuk menawarkan vendor, kaedah yang lebih selamat dan pantas bagi menerima pembayaran berikutan peningkatan minat rakyat Malaysia dalam transaksi tanpa tunai.

"Kami ingin melahirkan penghargaan kepada penaja kami, BSN, yang telah membolehkan pengenalan Dynamic QR Soundbox dengan penerimaan kad serta DuitNow QR Soundbox BSN sehingga dapat dilaksanakan dan dijangka mampu memberikan kelegaan kepada vendor semasa menjual produk mereka," katanya. - Bernama

KAKITANGAN BSN

Noorzhainie Zulkifli, 24, memegang alat Dynamic statik QR Soundbox.

